



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Cùm procuratio tribuebatur tantùm in victionibus, modica erat. Dabitur Legatis lac ad bibendum, & non bibent ultra tertiam vicem. Sed ista abrogata esse adnotat Gambarus. Cardinales Legati sunt ...

urn:nbn:de:hbz:466:1-15617

oppressi subditii hujusmodi onera non valebant suppor-
tere. Frustra enim fuit decretum Innocentij IV. &
Gregorij X. in Concilio Lugdunensi. Gradum deinde
ad licentiam fecit Bonifacius octavus. Divites pro mag-
na parte exempti à prestatione procuracionum. Quo-
fiebat ut pauperes multum gravarentur. Abolita dein
prorsus sunt illae procuraciones.

I. **R**EDEAMUS nunc ad procurations quæ Legatis olim debebantur. Procurations nomine intelligo. epulas quæ ab inferioribus debentur Prælato visitanti, quas *comestiones* ob hoc ipsum vocat glossa in Clementem. *Ad nostrum. De exæctionibus.* Inde frequenter in scriptoribus medij temporis ille procuratus dicitur cui alimenta præbita sunt, & procurations nomine intelliguntur, ut dixi, *comestiones* exhibitæ visitantibus, unde & exhibere quoque interdum dicebant pro procurare, ut notat etiam glossa in cap. *Vas electionis. De censib. inier Extravagantes communes.* Gregorius igitur septimus sumptus Legatis præberi mandavit ab Archiepiscopis & Episcopis, uti suprà diximus; nondum tamen declaratum erat ad illos spectare procurationem quæ ratione visitationis debetur. Tandem quia Legati mittebantur ut provinciarum morbos introspicerent, quod fieri non poterat nisi visitarent Ecclesias, paulatim introductum est uti procuratio solveretur Legatis non sicut ac Episcopis visitantibus Ecclesias suarum diccefeon. *Quis primus istius constitutionis auctor fuerit non invenio traditum memoriae literarum.* Alexander III. præscribens modum procurationum episcopalium in Concilio Lateranensi, nihil circa Legatos statuit; nisi si Legatorum dignitatibus prospexit, cum vertutem ne Cardinales parochias visitantes, viginti quinque electionis numerum excedant. Necessarium autem erat modum quandam his rebus poni, quod, ut illic ait Alexander, quidam Episcopi ita graves in procurationibus suis subditis existebant, ut pro hujusmodi causa interdum ornamenta ecclesiastica subditii compellerentur exponere, & longi temporis vietum brevis hora consumeret. Ex quo interim loco multam lucem accipient ea quæ suprà relata sunt de querelis adversus Legatos, quorum violentia effectum est ut altaria nudarentur, vasa Dei asportarentur, crucis excoriarentur, & alia multa horrenda per provincias perpetrarentur.

II. Initio autem, ut suprà observabamus, ea Legatorum procuratio modica fuit, quod præberetur tantum in vietualibus, pauca porro sufficienter viris qui vice Apostolorum fungebantur. Vnde glossa in cap. *Cum instantia. De censib.* loquens de procurationibus quæ debentur Legatis apostolicæ sedis ait:

Tom. II.

Dabitur enim Legatis lac ad bibendum, ut dicit Joannes, ne rubentibus buccis predicent jejuniorum doctrinam. Addit autem Petrus Andreas Gambarus ista: At quero quomodo debeant procurari Legati de latere. Respondeo quod debent acquiescere illis cibis qui dantur, & eos causa gratiarum actione suscipere. Decet enim eos esse parcus, & imitari Apostolos, quorum se successores faciunt. Alias quomodo possent visitando instruire plebem ad jejunia & ad bona opera, si rubentibus buccis & ventre delicatis epulis pleno evangelium Dei predicarent. Et paulo post: Vnde dicit glossa in c. Cum instantia. quod Legatis dabitur lac ad bibendum secundum Ioannem, qui locutus est ex more patriæ. Erat enim Theutonicus. Alias lac debetur ei qui gregem pascit. Rursum glossa providens honestati Legatorum, prohibet eos in locis ubi procurantur bibere ultra tertiam vicem. *Nec bibent, inquit, ultra tertiam vicem.* Quia vero auctor glossæ, dum Legatis potestatem fecit exhausti tres calices, nihil dixit de magnitudine poculi, idcirco ista per jocum effudit idem Gambarus: Item nec bibent Legati ultra trinam Gamb. lib. 4. da autoritate Legati §. 86. vicem, sed de magnitudine poculi nihil dicitur. Cum autem post auctorem glossæ dixisset Legatos teneri comedere carnes cum acetio vel lardum, demum addit ista per consuetudinem abrogata esse. Instruit deinde eos apud quos Legati apostolica sedis hospitabuntur quoniam modo eos trahere debeant. Hæc sunt ejus verba: Meminisse tamen debent qui Reverendissimos procurant alia cibaria esse danda rusticis, alia nobilibus. Nam rusticci cepis & fabis ac caseo utuntur; & si quis aliter eos procuraret, peccaret. Nobiles ergo, quales sunt Reverendissimi Cardinales, qui sunt superillustres & nobilissimi, sunt bonis & consuetis cibis procurandi.

III. Procurations vocabulum, ad significandum tributum quod Legati imponebant provincialibus, receptum fuisse in Ecclesia desinente seculo duodecimo colligitur ex epistola Huberti Archiepiscopi Cantuariensis ad Capitulum Eboracenle, cuius verba referuntur infra, & ex epistola Hugonis Episcopi Coventrensis de dejectione Villelmi Episcopi Eliensis, de qua superius actum est. Nam hæc sunt omnino ejus verba: *Et si forte alicuius Episcopi domum intravit, ab eo scire poteritis quod centum vel ducentarum marcarum pretio sua confiterit procuratio.* Verum itaque tunc erat quod Alexander III. observavit in canone quarto Concilij Lateranensis, quosdam ita graves in procurationibus existere suis subditis ut pro hujusmodi causa interdum ornamenta ecclesiastica subditii compellerentur exponere, & longi temporis vietum brevis hora consumeret. Episcopus autem ille Eliensis, præter amplissi-

T ij

Pideinfra cap. 5. 5. 4.

5. 5. 4.